

ქ. თბილისში, მთაწმინდის რაიონის ტერიტორიაზე დაზიანებული ასფალტის
საფარის შეკეთების სამუშაოების სახელმწიფო შესყიდვის სატენდერო კომისიის
სხდომის ოქმი N1

ქ. თბილისი

16 აპრილი 2020 წელი

სხდომას ესწრებოდნენ:

დავით კირკიტაძე – სატენდერო კომისიის თავმჯდომარე, ქ. თბილისის
მუნიციპალიტეტის მთაწმინდის რაიონის გამგებელი, პირველი
რანგის პირველადი სტრუქტურული ერთეულის ხელმძღვანელი;

სატენდერო კომისიის წევრები:

ლევან ბაჩიაშვილი - პირველადი სტრუქტურული ერთეულის ხელმძღვანელის
მოადგილე (გამგებლის მოადგილე) ინფრასტრუქტურისა და
მშენებლობის მიმართულებით;

მიხეილ გოგოლიძე - პირველადი სტრუქტურული ერთეულის ხელმძღვანელის
მოადგილე (გამგებლის მოადგილე) სოციალური პროგრამების
მიმართულებით;

არჩილ ხარებავა - პირველადი სტრუქტურული ერთეულის ხელმძღვანელის
მოადგილე (გამგებლის მოადგილე) განვითარების მიმართულებით;

თამარ შაველაშვილი - მეორადი სტრუქტურული ერთეულის ხელმძღვანელი
(საორგანიზაციო განყოფილების უფროსი);

ლევან ვეკუა - მეორადი სტრუქტურული ერთეულის ხელმძღვანელი
(ინფრასტრუქტურული პროექტების მართვისა და პროექტირების
განყოფილების უფროსი);

დავით კასრაძე - მეორადი სტრუქტურული ერთეულის ხელმძღვანელი (საბიუჯეტო-
საფინანსო და შესყიდვების განყოფილების უფროსი);

ირაკლი თუმანიშვილი - მეორადი სტრუქტურული ერთეულის ხელმძღვანელი
(თანადაფინანსებული პროექტების განყოფილების უფროსი);

სატენდერო კომისიის აპარატის წევრები:

ნინო კარიაული - მეორადი სტრუქტურული ერთეულის ხელმძღვანელი
(იურიდიული განყოფილების უფროსი);

ხათუნა შიუკაშვილი – ქ. თბილისის მუნიციპალიტეტის მთაწმინდის რაიონის
გამგებლის საბიუჯეტო-საფინანსო და შესყიდვების განყოფილების
მესამე რანგის მეორე კატეგორიის უფროსი სპეციალისტი.

დღის წესრიგი:

„ქ. თბილისში, მთაწმინდის რაიონის ტერიტორიაზე დაზიანებული
ასფალტის საფარის შეკეთების სამუშაოების“ სახელმწიფო შესყიდვის სატენდერო
განცხადებისა და სატენდერო დოკუმენტაციის პროექტების განხილვა და
დამტკიცება.

მოისმინეს:

სატენდერო კომისიის წევრის - ლევან ვეკუას ინფორმაცია იმის თაობაზე, რომ
წვიმების სეზონის დადგომამდე მიზანშეწონილია დამატებით გამოცხადდეს ქ.
თბილისში, მთაწმინდის რაიონის ტერიტორიაზე დაზიანებული ასფალტის
საფარის შეკეთების სამუშაოების სახელმწიფო შესყიდვის კიდევ ერთი ტენდერი,
რაც ხელს შეუწყობს უფრო მეტი რაოდენობის ქუჩების და გზების შეკეთების
სამუშაოების წარმოებას, მითუმეტეს რომ რაიონში დარჩენილია კიდევ ისეთი

ადგილები სადაც დღესდღეობით საერთოდ არ ყოფილა მოასფალტების სამუშაოები ჩატარებული. აღნიშნულთან დაკავშირებით შემუშავებული იქნა სახარჯთაღრიცხვო დოკუმენტაცია სავარაუდო ღირებულებით 370000,00 ლარი.

სატენდერო კომისიამ განიხილა:

სატენდერო კომისიის წევრებმა განიხილეს წარმოდგენილი დოკუმენტაცია, რის შედეგად განისაზღვრა:

სამუშაოს შესრულების ვადა - ეტაპობრივად, 2020 წლის 31 დეკემბრის ჩათვლით;

შესასრულებელი სამუშაოს საგარანტიო ვადა - 2 წელი;

გამოცდილებასთან დაკავშირებული მოთხოვნა - პრეტენდენტს 2017 წლის 1 იანვრიდან უნდა გააჩნდეს ჯამურად არანაკლებ 1,3 მლნ. ლარის ღირებულების გზების მშენებლობის ან/და შეკეთების ან/და რეაბილიტაციის სამუშაოების შესრულების გამოცდილება.

პრეტენდენტის მიერ ერთიან ელექტრონულ სისტემაში სატენდერო წინადადებასთან ერთად ასატვირთი მონაცემები:

1. ხარჯთაღრიცხვა;

2. ინფორმაცია პრეტენდენტის გამოცდილების თაობაზე;

ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასის შესყიდვის ობიექტის სავარაუდო ღირებულებაზე 20%-ით ან მეტით შემცირების შემთხვევაში, ფასწარმოქმნის ადეკვატურობის დასასაბუთებლად წარმოდგენილი უნდა იქნას სსიპ „ლევან სამხარაულის სახ. ექსპერტიზის ეროვნული ბიუროს“ ან აკრედიტაციის ეროვნულ ცენტრში აკრედიტებული სხვა პირის მიერ გაცემული შესაბამისი დასკვნა - მოთხოვნიდან არაუმეტეს 10 სამუშაო დღის ვადაში.

საბანკო გარანტიის ოდენობა განისაზღვრა ხელშეკრულების საერთო ღირებულების 5%-ს ოდენობით. თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, ხელშეკრულების უზრუნველყოფის გარანტიის ოდენობა განისაზღვრება ხელშეკრულების საერთო ღირებულების 10%-ით.

მიზანშეწონილად მიიჩნიეს ტენდერი ჩატარდეს სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-3 მუხლის პირველი პუნქტის ბ) ქვეპუნქტის შესაბამისად, ამ ბრძანების 39-ე მუხლით დადგენილი პირობით - ელექტრონული ვაჭრობის დაფარული მონაცემებით, დამატებითი რაუნდების გარეშე.

შესაბამისად, სატენდერო განცხადება ჩამოყალიბდა შემდეგი სახით:

- შესყიდვის ობიექტის სავარაუდო ღირებულება: 370000 ლარი;

- სატენდერო წინადადება წარმოდგენილი უნდა იყოს: დღგ-ს გათვალისწინებით;

- შესყიდვის ობიექტის კლასიფიკატორის (CPV) კოდი: 45233222 - მოკირწყლვისა და მოასფალტების სამუშაოები;

- დამატებითი ინფორმაცია: ა) ქ. თბილისში, მთაწმინდის რაიონის ტერიტორიაზე დაზიანებული ასფალტის საფარის შეკეთების სამუშაოების სახელმწიფო შესყიდვა; ბ) შესასრულებელი სამუშაოს საგარანტიო ვადაა 2 წელი.

- შესყიდვის რაოდენობა ან მოცულობა: იხ. სატენდერო დოკუმენტაცია;

- მიწოდების ვადა: ეტაპობრივად, 2020 წლის 31 დეკემბრის ჩათვლით;

- შეთავაზების ფასის კლების ბიჯი: 1500 ლარი.

სატენდერო კომისიამ დაადგინა:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-15 მუხლის შესაბამისად დამტკიცდეს „ქ. თბილისში, მთაწმინდის რაიონის ტერიტორიაზე დაზიანებული ასფალტის საფარის შეკეთების სამუშაოების“ სატენდერო განცხადებისა და სატენდერო დოკუმენტაციის პროექტები წარმოდგენილი სახით;
2. მოქმედი კანონმდებლობის შესაბამისად, მოხდეს სატენდერო განცხადებისა და სატენდერო დოკუმენტაციის განთავსება სახელმწიფო შესყიდვების ერთიან ელექტრონულ სისტემაში.

სატენდერო კომისიის თავმჯდომარე



დ. კორკიტაძე

სატენდერო კომისიის წევრები





ლ. ბაჩიაშვილი

მ. გოგოლიძე





ა. ხარებავა

ლ. ვაკუა



ი. თუმანიშვილი

დ. კასრაძე



თ. შაველაშვილი

სატენდერო კომისიის აპარატის წევრები

ნ. კარიაული



ბ. შიუკაშვილი